

Kō Leo Ka Ma‘alewa

‘Ohi ‘ia mai *He Lei No ‘Emalani* na Puakea Nogelmeier
na Kalena Silva ka leo olioli kāholo

Kō leo ka ma‘alewa
I ka heahea ‘ana mai
Ma hea ‘o ka lei ‘ala
Ma ke ala o Maunakea
Ma laila Lilinoe
Ka wahine noho kuahiwi
E maliu iki mai ‘oe
Iā mākou nei a pau
A Maunakea ‘o Kalani
Nānā iā Waimea
‘O ke kai hāwanawana
Home la‘i ‘o Kawaihae
He lono kai hiki mai
Ma luna o ka Liholiho
E huli, e ho‘i ‘oe
I ka nani o ke kaona
Kai hone o Kailua
Uhi pa‘apū e ka noe
Lele mai ana ka ‘ōpua
Me he ao ‘āina ala
Ho‘olana like ka mana‘o
E hui kama‘āina hou
Me ka ‘oi o ka mana
E ō ke Queen Emmalani
Kaleleonālani he inoa